

säg mer wieso

text: steph musig: mash



s'isch zyt für nä nüüi liäbi, jetzt wo di alti äntlich staht
doch ich weiss nid was i wott und ich wott nid das ich's weiss
und drum fahred miär halt näbenand uf zwei verschidenä gleis
uf zwei verschidenä gleis

jetzt wo d'nacht langsam vergahd und dä tag no z'fuul isch z'cho
wo's obenabä rägned und unnäufä tropft
schtudieräd alli lüüt genau s'glichä wiä ich
genau s'glichä wiä ich

säg miär wieso (säg mär wieso)
dänk ich no ä sooo fescht a dich
säg miär wieso, (säg mär wieso)
isch alles andersch als es geschter isch gsi
ich dänkä immer no a dich

s'git täg, wo glänzed wiä gold und ander sind dünn, so dünn wiä papier
ich erschtickä mini luscht imenä bärg us fruscht
und fühle mich ä so und ich frage mich
und ich frage dich

säg miär wieso (säg mär wieso)
dänk ich no ä sooo fescht a dich
säg miär wieso, (säg mär wieso)
isch alles andersch als es geschter isch gsi
ich dänkä immer no a dich

wiä schnee, wo vo dä dächer tropft, wie glas, wo uf em bodä zerbricht
& sunnäbluämä im chnüühöchä gras und en sünder vorem jüngschtä gricht

wenn du nid da bisch

text: padi musig: mash



ich spändä diär ä niärä und nur für dich gan ich durs füür
würd alles usprobierä und nüd isch miär für dich z'tüür

für dich würd ich verstickä, wenn du luft zum läbä bruchsch
würd alles wieder flickä, wenn du dich mit miär truusch

ich cha nümmä schlafä, ich cha nümmä dankä - wägä dier
ich mag nümm ässä - ich bi verloorä

wenn du nid da bisch
wenn du nid da bisch
wenn du nid da bisch
wenn du nid da bisch

für dich hör ich uf rauchä, rissä böim mit samt de wurzlä us
nach muschlä würdi tauchä und ich chlauti diär e bluemäschtruss

für dich fa ich a singä und nur für dich schrib ich äs liäd
äs schtändli würdi bringä schaa, la, la, la, la - bisch no nid da

ich cha nümmä schlafä, ich cha nümmä dankä - wägä dier
ich cha nümm ässä - ich bi verloorä

wenn du nid da bisch
wenn du nid da bisch
wenn du nid da bisch
wenn du nid da bisch

haarpracht

text: padi musig: mash



jedä morgä stani vorem schpiegäl
und luegä mini wildi haarpracht a
was hed sie nur die ganz nacht triibä
so duränand han ich sie doch geschter no nid gha, aha, aha

ich tauch mi chopf is chaltä wasser
für mini haar bruuch ich ä tubä schlee
bevor i gah, lueg i no eisch i schpiegäl
und ich cha nid glaubä, was ich da xeh
und ich cha nid glaubä, was ich da gseh

**ich ha ja so nä geili frisä, läck gsehn ich hüt sauguet us
mä ladt mich i, mer luegd me nachä
wie halt i das bloss mit miär us
ich ha ja so nä geili frisä, läck gsehn ich hüt sauguet us
mä ladt mich i, mer luegd me nachä
wie halt i das bloss, wie halt i das bloss mit miär us**

letschti stahn i so am kiosk
und da luegt mi wieder eini a
ich weiss nid, was sie hed wellä
doch ich glaub, sie stahd uf mini haar

und numä 5 minutä schpöter
fragt einä: chani nid en fränkler ha
und ich sägä nur: du stubelpeter
mit derä frisä muesch für miär nüd ha, ha, ha
mit derä frisä muesch für miär nüd ha, ha, ha

fiesär

text: padi musig: mash



ich cha nid sägä, was i dänkä und ich dänkä nid vor tür
ich bin ä armä tropf ich gibä gärn und nimä nüd

ich bi kei fän vo grossä schprüch, ich bi kei shtrebär & scho gar kei held
und ich freu mi für dä sieger, wo bim lotto alles gwunnä hed

ich wär gärn no chli flesär

**ab hüt will ich ä chli andersch si, bi nümm so brav,
wiän ich scho immer bi gsi, ich wirdä eifach ä chli flesär,
no chli flesär**

und ich cha machä was i will und was ich machä, mach i keim mänsch rächt
ich zahlä pünktlich mini shtüürä i, mi seid, ich miech mi job nid schlächt

ich luegä gärn dä guetä zue, wie sie gäg di bösä kämpfed
und ich wär denn amigs gärn dä bös und raubä eis, zwei bankä us,
chunnsch druus?

aber ich wär gärn ä chli flesär

**ab hüt will ich ä chli andersch si, bi nümm so brav,
wiän ich scho immer bi gsi, ich wirdä eifach ä chli flesär,
no chli flesär**

numä i de schwiiz

text: steph & padi musig: mash



dä eifelturm stahd in paris und dä schiäfi schtahd in pisa
und dä elvis liid in memphis und mit schtäbli isst mä z'china

dä salsa chunnt us südamerika s'kolosseum stahd in rom
us holland chunnt d'frau antje und in wien da stahd dä stephansdom

doch d'schoggi mit drüü eggli, ja dä füüfer & s'weggli
s'chlinä, rotä mässer mit em schwyzerchrüz, das gits

numä i dä schwiiz (das alles gits)

numä i dä schwiiz (das alles gits)

numä i dä schwiiz (das alles gits)

numä i dä schwiiz

in kapschtadt xehsch dä tafelbärg us russland chunnt dä kaviar
in schpaniä gits torreros, italiänisch singt dä eros

dä big ben stahd in england und dä platz in moskau, dä isch rot
dä game boy giz fasch überall und us schwedä chunnt mis knäckäbrot

doch s'heidi, wald und bärgä, 2 schneewittli & 5 zwärgä
d'chappelbrugg & s'matterhorn, das wüerklich gits

numä i dä schwiiz (das alles gits)

numä i dä schwiiz (das alles gits)

numä i dä schwiiz (das alles gits)

numä i dä schwiiz

no chli liggä

text: padi musig: mash
duett mit caroline chevin



d'sunnä schiint nid und drum wird das hüt nid mi tag
ich wär jetzt wirklich huärä dumm, wenn ich ufschtah

drum lueg mich a und chumm, was hütt passiert isch alles wahr
du wärsch jetzt wirklich huärä dumm, wenn du jetzt gahsch

ich wett zu diär drum chumm und schlüüf zu miär is näscht
äs wär jetzt wirklich huerä dumm, wenn andersch wär

**ich wett doch nur verwachä näbä diär
am liebschtä ganz, ganz nöch bi diär
chumm bliib doch no chli liggä näbä miär
& denn seisch du zu miär: so, so, so**

es rägnet duss drum chumm und gib mer no chli warm
äs wär doch wirklich huerä dumm, wennis nid verschtahsch

drum lueg mich a und chumm, was hütt passiert wird alles wahr
drum wärs jetzt wirklich huärä dumm, wenn's nid so wär

**ich wett doch nur verwachä näbä diär
am liebschtä ganz, ganz nöch bi diär
chumm bliib doch no chli liggä näbä miär
und denn seisch du zu miär:**

**ich wett doch nur verwachä näbä diär
was jetzt passiert isch alles glich was hütt chunnt gahd mi nüd a
chumm bliib doch no chli liggä näbä miär
bis zu miär seisch: ich ligg bi diär, ich bliib bi diär**

numä 2 minutä

text: steph musig: mash



im radio & färnseh isch äs gar nid gärn gseh
wenn äs liäd mal meh als zwe minutä gahd

ja de wird gschtückled & zerschnittä und ufem text umägrittä
bis äs im zwe-minutä-raschter innä stahd

will i d'hitparadä chunnt me numä wenn mä ihnä glaubt
wenn di song am hörer nid meh als zwe minutä raubt

will äs bruucht

numä zwe minutä

numä zwe minutä für nä hit

numä zwe minutä

numä zwe minutä für nä hit

isch dä textinhalt au schwach und dä stimmumfang isch flach
hauptsach d'brüschet vo de sängerin sind gross

muesch nid mal chönne singe nur s'marketing muesst stimme
so chunsch i d'hitparade: achtung, fertig, los!

will äs bruucht

numä zwe minutä

numä zwe minutä für nä hit

numä zwe minutä

numä zwe...

löscht doch s'liecht ab

text: andré herzberg musig: mash



du wettsch liäbi, ich will sex
du wettsch mini nöchi, ich wett vo diär wäg
füür & wasser, hitz und iis
passed nid zämä, um kei priis

löscht doch s'liächt ab
löscht doch s'liächt ab,
löscht doch s'liächt ab!

miär isch heiss und du früürsch
ich wett furt gah und du bliibsch da
füür & wasser, hitz und iis
passed nid zämä,, um kei priis

löscht doch s'liächt ab
löscht doch s'liächt ab,
löscht doch s'liächt ab!

immär suechsch du mini wärmi
und ich suech dini luscht
löscht doch s'liächt ab,
löscht doch s'liächt ab!

ich ha hungär, du issisch nüd
ich will schlafä, du willsch mich?
füür & wasser, hitz und iis
passed nid zämä, um kei priis

alli laufed na, alli laufed wäg, alli laufed na,
alli laufed wäg, nur s'glück lauft hindädrii

fründ

text: steph musig: mash



ä chischtä voll erinnrigä stahd bi miär im eschtrich
vollpackt mit altä gschichtä & illusionä
ich rüm äs us mi chopf, entrümplä und schaffä platz
la nüüi ideä drinnä wohnä

vil zlang hani druuf gwartet, ha mich vor miär verschteckt
ich ha ghofft, problem lösed sich eläi
oder si überchömed flügel und flüüged uf und dervo
ich ha ghofft, sie gfinded nieme hei

**du suechsch nid nachmenä partner
und ä lover gfind me gschwind
alles was du bruuchsch, das isch ä fründ
doch wenn du truurig bisch
denn chunnsch zu miär - ich wär gärn, ä fründ vo diär**

und wieder lies ich briäf vo diär, gschriibä vor langer zyt
und fangä afo schtudierä über gründ
hunderti vo wörter und heissä tueds nur eis
alles was ich bruchä isch en fründ

**du suechsch nid nachmenä partner
und ä lover gfind me gschwind
alles was du bruuchsch, das isch ä fründ
doch wenn du truurig bisch
denn chunnsch zu miär - ich wär gärn, ä fründ vo diär**

jedä läbt sis läbä sälber, langsam oder gschwind
das hesch du sälber völlig i dä hand
würklich ächti fründ schtönd zu diär im schturm
immer da für dich

mechaniker

text: padi musig: mash



ich schruubä schtändig a dinä schiggä teili umä
din ölschtand tschegg i fliisig jedi nacht (fliisig jedi nacht)

ich schwänzlä schtändig um dis heissä schassi umä
hei, säg mer bloss, was hesch du mit miär gmacht

und ich weiss, ich bi nid nätt
wenn zu miär seisch, ich sigs nid wärt

**üsi läbi isch nid platonisch
im beschtä fall harmonisch
ich mein das nid ironisch
bi üs läuft alles rein mechanisch**

wenn ich dich untersuechä vo hinnä und vo vorn
denn brodlets i miär innä bis mi chüäler explodiert (bum!)

dis fahrgschtell isch en sünd und drumm freu ich mich uf morn
will denn wird wieder einisch di ölschtand kontrolliert

und ich weiss, ich bis nid wärt
will zu miär seisch, ich sig nid nätt

**ich machs diär nid platonisch
im beschtä fall harmonisch
ich mein das nid ironisch
bi üs läuft alles rein mechanisch**

immer wieder hei

text: padi musig: mash



ich gangä gärn wyt ewäg i d'feriä und machä det de ganz tag nüd
ich liggä fuul am schtrand und d'sunnä brännt uf mini huut

ich gnüssä det jedi schtund ich läbä so, wie's grad chunnt
und lass dä alltag deheimä all tag sii

aber ich chumä gärn

immer wiedär hei (immer wiedär)

immer wiedär hei (immer wieder)

ich chumä gärn immer wiedär hei, zrugg zu diär

ich känn hiä jedi schtrass & jedä eggä mä kännt mich hiä und ich sie alli au
mich isch doch gliich, wenn's hiä einisch rägnet oder wieder winter isch

aber mängisch muess i furt vo hiä, ja, denn hani eifach gnuäg
ich packä mini täschä und fahrä wäg ines land, wo i no nid känn

aber ich chumä gärn

immer wiedär hei (immer wiedär)

immer wiedär hei (immer wieder)

ich chumä gärn immer wiedär hei, zrugg zu diär

d'wält dreiht sich jedä tag um sich und ich mich um dich
wiä uf em karussell vill zschnell für mich
drum freu ich mich uf dich

bliib da

text: padi musig: mash



äs tued so weh, wenn du jetzt gahsch, vil guets hemmer zämä gha
jetzt schtahsch du da, wettsch mich verlaa, wellsch dini friiheit ha

mit träne im gsicht dreihsch du dich um, lahsch mich mit miär älei
bitte, bliib doch, bliib doch, bliib doch da hüt z'nacht

ich wünschti miär, ich chönnti dreihä am grossä rad vo dä zyt
zrugg zu üsnä guetä zytä wo alles rächt isch gsii, du seisch:

zyt heilt alli wundä numä d'narbä bliibed zrugg
oh, bitte, bliib doch, bliib doch, bliib doch da hüt z'nacht

bitte, bliib doch, bliib doch, bliib doch da hüt z'nacht
bitte, bliib doch, bliib doch, nur no ei letschti nacht
d'zyt bis am morgä gahd so schnell verbii bis äs taged und alles erwacht
oh, bitte, bliib doch, bliib doch, bliib bi miär hüt z'nacht

ich will dich nid verlüürä, la mich uf jedä handel i
ich wett nur dich ganz nöch bi miär, schlüss dich i minä armä i

ich wett niemmär andersch, ich wett numä dich
oh, bitte, bliib doch, bliib doch, bliib doch da hüt z'nacht

mit diär di ganzi nacht z'vebringä, das wär das gröschd für mich
ich wart nur druf, bis du miär seisch: hüt sig der alles gliich

bitte, bliib doch, bliib doch, bliib doch da hüt z'nacht
bitte, bliib doch, bliib doch, nur no ei letschti nacht
d'zyt bis am morgä gahd so schnell verbii bis äs taged und alles erwacht
oh, bitte, bliib doch, bliib doch, bliib bi miär hüt z'nacht